

Tasiilami innuttaasut suliffeqanngitsut paaqqinninnermi isumassuinnermillu immikkoortortaqarfimmi sulilersinnaanissaannut qaffassaanissamut immikkut suliaqartussanik pilersitsinissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Immikkut suliaqarnissaq sukkanerpaamik aallarnisarneqassaaq nunarpullu tamakkerlugu atuutilersinneqarnissaa siunertaralugu ataavartumik nalilersorneqartassalluni.

(Anna Wangenheim, Demokraatit)

Akissuteqaat

(Isumaginninnermut, Suliffeqarnermut Nunamullu Namminermut Naalakkersuisoq)

Aappassaaneerinninneq

(Isumaginninnermut, Suliffeqarnermut Nunamullu Namminermut Naalakkersuisoq)

Naalakkersuisut sinnerlugit Ilaqutariinnermut Peqqissutsimullu Ataatsimiititaliap siunnersuutip suliarineranut qujassuteqassaanga, nuannaarutigalugulu oqaaseqarlunga Naalakkersuisunit allannguutissatut siunnersuut saqqummiunneqartoq Ataatsimiititaliap isumaqatigiittup akuersissutigineqarnissaa inassuteqaatigimmagu.

Naalakkersuisut qujassuteqarput Ataatsimiititaliap paasinninneranut Tasiilami ilinniarnernulernissamut sulilernerulernissamullu suliniutit pillugit suleqatigiissitaq suliniutinut siunnersuummut atatillugu ataatsimut nalilersuinissaq siunertaralugu paaqqinninnermi isumassuinnermilu piginnaangorsaaneermut siunnersuutip suliarinissaanut ingerlaqqinnissaq.

Taamatut oqaaseqarlunga siunnersuut Inatsisartunut suliassanngortippara.